

兩

浙

輶

軒

錄

兩浙輶軒錄卷十八目

| | | | | |
|-----|-----|-----|-----|-----|
| 章有大 | 任應烈 | 商盤 | 商書 | 汪師韓 |
| 張映辰 | 黃邦達 | 張映斗 | 沈灝 | 童基 |
| 俞鴻赤 | 戴永樸 | 屠嘉正 | 李昌泉 | 錢曰布 |
| 戴夢奎 | 胡作謀 | 胡偉然 | 陳章 | 沈子豐 |
| 沈緒延 | 倪文 | 楊式金 | 高謁 | 馬翼贊 |
| 林敷紫 | 洪承澤 | 鮑志周 | 孫人龍 | 趙錫禮 |
| 趙鎮 | 李肇開 | 侯嘉繙 | 林元炯 | 李熙 |
| 程遠 | 宋禹 | 沈元相 | 錢銘恭 | 翁年方 |
| 蔡元鎔 | 陳應辰 | 俞良模 | 張寅 | 鄒尚 |
| 范坊 | 王元珪 | 張鵬翀 | 嚴暉 | 鄭挺 |

鄭 博 錢中盛 錢際盛 錢德盛 倪繼宗

柴潮生

兩浙輶軒錄卷十八

督學使者阮元訂

章有大

字容谷號祐菴歸安人雍正庚戌進士歷官禮科給事中福建廣東四川三省主考著息匱小稿

題張氏隱居

桑柘陰陰自一村誅茅結舍此間存看雲過壺山當戶罷釣歸來月在門人到忘機馴鹿豕俗沿賽社醉雞豚塵寰獨領幽閒趣臚犧扶犁教子孫

出門

年來生計澀鬢髮早如絲老莫教兒覺貧惟有婦知對人憎面目乞食拙言辭待結向平願何年是了期

過訪補堂畱題壁上

匆匆又被小奚嗤攜得酸寒句向誰秀色那知飢可療人生唯有俗難醫長街安步何愁遠瘦馬閒拴不要騎老嫗近來

同治車車金鑑卷一
多解得還商格律到微之

帳房詩次許竹人韻

野宿何堪曲似弓布帷荒度夕陽中間炊省踏遙村月安枕能遮廣莫風一霎支撐便坐臥明朝相載任西東腐儒漫賦征人怨差勝相如四壁空

任應烈字武承號處泉山陰人錢塘籍雍正庚戌進士改庶吉士授編修歷官南陽知府

紹興府志應烈出爲懷慶府以振興人文爲已任孟縣爲韓愈故里應烈創議以隸之子孫襲五經博士大吏謫于

朝特給焉父憂起復再補南陽未入境卽擒唐鄧奸民之爲劫艇者又獲大盜李會遂委以全省捕務悉聽節制

蒲司趙城請于南陽懷慶等府開礦應然力陳不可巡撫據議以覆事得寢母憂歸築室鑑湖之

濱與同人爲娛老會久之卒年七十六隨園詩話吾鄉任武承太史出守懷慶中年乞病買鑑湖快閣以居乃陸放翁舊地作詩四首和者如雲甲戌歲札來索和并招往遊余寄詩奉答終不果往壬寅遊天治始登快閣先生已久矣精舍數間全覽鑑湖之勝

想在日滿福

南巡
蔡英曰庚子歲予應

史移居詩箋今介三以副貢官山西死遍索之郡友竟不得太史詩太史故寄居武林且久商寶意先生遙刻

越風獨追太史知于故鄉酬答者寡也

移居快閣

料量家具又多乎一畝之宮足自娛疊石略存山意思蒔花聊破睡工夫方池濬後畱雲在弱篠移來待雨滋清興未妨長閉戶閒情恰稱白髭鬚

敢謂吾廬安樂窩比鄰風物定如何菱租魚市生涯憒麥隴禾塍本計多烟際呼將能語鴨莎邊畜得換書鵝遲他社鼓
繫繫日擬共村翁一醉歌

商

盤

字蒼雨號寶意會稽人洵美孫元柏子雍正庚戌進士改庶吉士授編修官元江知府著質園詩集

蘇士銓傳劉曰公年十九與同學結社著小山叢桂集
髫齡所作新蟬詩紅葉白燕等賦已爲時艷稱已酉舉

京兆明年登第改庶常習

國書散館授編修尋以祿養陳請乞外任得廣西新寧州

上以其親老改授鎮江郡丞詞臣受

恩逾格前所未有也旣而擢海州牧及南昌令南康守調太

平郡丞丁外憂服闋補施南郡丞攝守篆甲戌擢鬱林

牧太平守補慶遠守歷四年移鎮安又三年持繕母服

王師進勦緬甸公跋涉戎行感觸癆瘍受病日深而卒蓋
甲申補雲南守丙戌移元江明年

以死勤事者也著質園詩幾及萬篇初倣楚南旣而出

入杜韓元白蘇陸間歌行尤瓊麗縱恣跌宕自喜晚年

採採朝郡邑人詩編排

品鴻題曰越風

何世璗質園詩序答曰雍正甲辰春余選拔兩浙諸生
貢於太學商子蒼兩年最少余愛其文驚爲異才越明生
年謁余廣陵官舍畱之累月生手定質園詩集凡若干

卷質園者商氏別業在越之土城山舊傳爲勾踐教西

子子歌舞處亭臺花竹甲於一郡東髮就傅婆娑其下平泉綠野不能忘也

蓮坡詩話商蒼雨編修精音律升菴琵琶對山腰鼓兼
其風致乙卯秋入都路經水西莊余出歌者演嘲蒼雨兼

醉畱詩六絕句其後二首云妙高臺上好風光僅得東坡
未凋殘送客留情坐夜闌惒亂好花紅着眼不教攀折
只教看蓋指元郎也昔東坡命袁綯歌明月幾時有把

毛郎疊奏寶意自吹紫簫和之
隨園詩話商寶意詩集刻成有人摘其疵累余爲悵然
謂此言沈痛寶意先生有句云明知愛惜終須改但得
絕流傳不言在沈福分人不然草亡木卒誰則知之而誰議之余
是仲小海曰但願人生一世留得幾行筆墨被人指摘便
謂此言沈痛寶意先生有句云明知愛惜終須改但得
絕流傳不言在沈福分人不然草亡木卒誰則知之而誰議之余
是仲小海曰但願人生一世留得幾行筆墨被人指摘便

深

屈五更天

鎮

龜

詩話

百年來吾鄉聞之盛無如康熙庚子強半

皆知名士

其最著者周徐彩粹存魯曾焜啟人胡浚希

君恩

局

中

菜

用

外

軒

將

出

處

論

又

莫

歎

神

仙

容

易

別

故

鄉

處

處

是

蓬

萊

語

也

可

謂

立

言

有

體

寶

意

集

君

王

本

是

堪

亡

國

種

蠡

何

能

共

君

恩

復仇廣陵云博得雷塘堪一死賺他杜牧又消魂楚中

云慷慨一言能復楚零丁三戶竟亡秦將歸故里寄同

學云名心未斷難遺世晚景無多怕

受恩俱極俯仰低徊神遊象外之致

梧門詩話商寶意盤紅燭豎貂成舊夢青衫司馬稱閒

身與楊柳圍廷棟昨歲同持司馬節秋風獨上季鷺船

琢句靈芬館詩話寶意太史嚴工言情憶金陵作云金局成

中多宛轉玉闌干外卽風塵秋生廢苑初衰柳人遠孤

鏡又暮潮新綠云林暗昨宵疑有雨晝長深院斷無人

雲紅袖泥人原是夢緣陰成惺已多時思歸云荒裔倍

增家累重衰齡圖報

國恩難官情大似雲林畫楚
楚烟嵐總不濃讀之意消

朱文藻曰商盤昔質因詩集三十二卷謹案

欽定西廬全書錄入存目提要云盤與錢塘厲鶚名價相埒

才情富贍生平篇什甚多此集刪汰尙三千首云

柯亭椽竹歌

中郎審音先用目以目代耳得椽竹高遷亭古歲月深荒涼

閱世無知音在昔曾經丹鳳食一朝忽作蒼龍吟中郎當日
來吾地青光咫尺含靈異達師總碉配陰陽岌岌一聲風雨
至如此相竹天下奇伏滔作賦胡曾詩良玉在山珠在水無
意寶者乃得之卽今亭址生荆棘人竹俱亡事堪惜神物千
秋遇合中世間何處無焦桐

出郭

幾日秋陰長出城今朝天氣迥清明西風先到無人處散作
寒山萬木聲

雨別魚門

熊繹開疆剝故墟雄風南服近何如盛朝那有長沙謫異代
曾無庾信居崔嵬去尙畱千載跡雁來易附八行書與君窮達
遭謫詠小吏浮沈處士虛

不種田

湖鄱湖者險在秋冬揚瀾左里之民乘危掠財利其溺焉

揚瀾左里不種田一生好搶失水船彭蠡風濤天下惡湖中壞船多水涸獨有揚瀾左里民正喜風濤日日作豈無救生之船防汎兵分財掠貨同橫行亦有周溪諸溪兩巡檢呼應不靈打不敢鳴呼利災樂禍神所呵太守不禁理則那賣刀買犢猶可教左里揚瀾本非盜

李于野舊構種山亭華外老人爲補圖今秋飲其下遂賦此詩

李侯愛山能種山翠微落手橫曉鬟大者爲峘小者峩如此邱壑人非閒五丁力竭靈氣漏石勢學人人更瘦縛草爲亭

滌墨圖一時占盡天然秀我來不見爲山時九仞一簣無由
知家山粉本長在箇與君戲鬪千蛾眉軟塵九陌林塘少踏
天割取蒼雲好彷彿吾家斟雉莊丹楓烏桕秋容老西風獵
獵單于臺射鵠殺虎黃雲開好山好水不歸去古槐小巷生
蓬萊嗚呼人生何必居臺省莫笑李侯官獨冷有約須招向
子平何時共訪陶宏景

忠武軍符歌

有序

朱岳韓兩忠武俱有背嵬軍迨酒瓶親軍爲大將負
寇者統制而下咸與抗禮此其軍符也符制以銅圓
徑六分高三分鼻鉢以貫佩繩其文一人飛騎背負
酒瓶武林某君偶得於友人行笥中孫編修約亭徵
詩紀事因賦此詩

何年爾此飛騎符非麟非虎體製殊北狩南遷事已矣此符
尙不埋榛蕪李綱旣亡宗澤死九鼎一髮誰能扶堂堂兩公
韓與岳身經百戰揮蝥弧酒罷負背弓克敵親軍摩壘爭先
驅權臣在內賊所利肯使大將恢皇圖班師跨驥兩寂寢龍
沙萬里悲鸞輿輸金納幣計真左可惜宋社成邱墟金牌一
召銅印失鄂王抱恨斬王孤舊物流傳神鬼護疑有碧血光
模糊約亭翰林頗好古徵詩紀事來通都我讀青史已惆悵
況覩此物增嗟吁是韓是岳兩不辨千秋忠義難渝胥君不
見唐林慟哭六陵發珠襦玉匣歸泥塗

大風渡彭蠡

狂飈挾浪撼高秋屏翳天吳怒未休蹴踏聲隨千騎至混茫
氣接九江浮遙看孤鴈雲中失安得乖龍蓋內收只有漁翁

寒翠裏烟波滿目不知愁

宣德窑脂粉箱歌并序

明宣德窑脂粉箱二具本宮中物散落民間向爲萊
陽姜學在所得貽其姪陳素素今歸新安汪伯子氏
釉白花青形製妍雅真舊器也長洲李碩夫作記甚
詳余繫括成詩廣諸好事者

有明八代擅瓷器就中可愛稱宣窑六宮粉黛已塵土畱此
珍具堪魂銷高廣二寸長則倍四隅兩竇其中楊青花小朵
顏色潤柔黃手澤難殘凋萊陽公子昔好古重貲購得貽嬌
嬈廣陵女兒陳素素施朱施粉皆親調梁氏鸞籠太纖膩沈
郎犀合徒雙雕凝粧一笑增百媚往往把玩連昏朝故物復
新新復故玉人何處聞吹簫安知遷轉落誰手豪家勝國同

蕭條多羅欵式始何代太平御覽名曾標純金製自扶南國
毗寒投報如璠瑤小器流傳有顯晦市衢閨閣真難料粉確
膏池恩賜盡香篝脂盞繁華消姱容浩態憶惝恍百年憑藉
能爲妖不如買取鬪雞盞醉倒花下春光韶

隨園詩爲袁簡齋賦

廣懷一別失飛騰塵上襟裾漸漸增簡齋由庶常改官縣令左掖看花
君記否大堤騎馬我何曾過江不愧真名士退院其如未老
僧領取十年卿相後幅巾野服始相應

送潘筠軒編修還越

昇平朝野總

君恩局外閒將出處論結社未應歸白傅種蔬早已賦黃門
一竿遠拂珊瑚樹八口同居薜荔村此去撫松深閉戶蒼苔

勝友老猶存

蛾眉班好近瀛臺珥筆多年却費才飛鷁官程三舍退放鵬
歸思一籠閒身從冰雪堆中出夢向鶯花課裏回莫歎神山
容易別故鄉處處是蓬萊

太平鼓詞

鼉鼓奏辟雍魚鼓喧街市羯鼓催花柳社鼓聚鄉里梟鼓百
堵興鼙鼓二軍死誰知衆音外乃有高麗紙團圓月裁魄宛
轉環貫耳軒轅曾造不矇瞍安知此燕姬坐煖房玉手纖無
比晴天急雨來大漠驚飈起填然晝長鳴紦如宵未止方當

太平時

廟貌臻上理季冬大勞息豎稔從今始都城十萬戶戶戶足
薪米南衢北巷間改歲兒童喜堯民擊壤歌并入淵淵裏紀

事異夢華采風煩太史獨有羈旅人聞聲念桑梓

藏花歌

并序

入春謳築屢以藏花行酒白髮同年頽然一醉戲作此詩前此風人未有味也

青旛夾道蒼龍起九十韶光從此始鳳城早有採春人不在林間在杯底良辰會合老同年隔座分曹殿壁壘如將金屋貯娉婷未許銀燈照紅紫色空何礙妙明心消息原無漏洩理舊樣翻新樣奇勝固蒙雄敗亦喜君不見轉頭桃李紛作花與衣爛醉黃公家

夜飲滄酒歌

滄州城是麻姑城滄州酒是麻姑酒麻姑一去幾千年安得麻姑捧穀子我今無事同犀首鯨吸魚喰宜此口丁字沽學

見遠帆武家臺畔攀衰柳百年冉冉復堂堂昨日青韶今日
叟達人已往畱今名七賢六逸真吾友一壺那復遇長房萬
卷徒勞採小西是時晝短夜初長爛爛秋星大於斗願作凌
雲汗漫游恨不身爲漢川守君不見滄溟萬里騰怒濤祖龍
採藥煩盧敖安期誤門在何所樓船童女歸蓬蒿又不見杜
老東觀劍器舞樂極哀來情無語白髮紅粧相對愁公孫臨
頰皆黃土勑君勿惜朱顏酡羅襦微解香澤多瑤箏驟雨簇
燈彩金盆落月傾江波霜天漠漠角聲起醉不成歡奈曉何

上灘吟

香從逆風聞魚喜逆流上顧茲輕利船惟順能放往平生江
海踪所歷多深廣今年赴虔州程遙道彌枉怪石敵奔湍厥
勢何雄長蹲踞獅象形喧扈鼓鐘響峻或類闢墉平亦同砌

豫森如列戟矛亘若施屏幌車專防風骨斧劈巨靈掌短體
縮侏儒長身立魍魎就中皇恐灘險隘更無兩落星散不收
砥柱差相仿誰使蛟龍居突兀成邊堠篤師知曲折安危在
微茫左枝右復梧前俯後還仰直教負而趨何異陸能潛吾
心本慈航此境益天壤行將旣濟占聊結未來想登岸可回
顧斯言實非迂待歸賀監湖空明蕩雙槳

二樹山人摘余土城山房舊句爲綴見作臥遊圖今距
賦詩之日三十年矣韶齡難再先業就荒敝帶棄遺
了不可記山人於烟銷雨墜之餘爲僕完此一種公
案吁可異也感而賦此詩云春山排闥來韓約如處
予不雨復不晴排橫亦非米

乞寫臥遊圖
收入丹青裏

春山排闥護春眠幼日題詩老尙傳莫問夷光歌舞地鳬茈

燕麥自年年

秋霜無賴漸盈頭梓里春遊是夢遊今日展圖人萬里雲
如帶古交州

義豹行

并序

德勝鎮山中一豹能爲近鄉禦虎居民德之歲時以
大豕酬賽余聞其事作義豹詩

南山霧濃元豹變七日文成人共見此豹不與常豹同驅逐
於菟垂大功蠻村雞犬聞鳴吠深夜不遭猛虎害居民感德
比神麻歲歲春秋爭報賽少陵義鵠曾作歌義馬勒石長不
磨人生識字忘大義不知此獸天良多吁嗟豹兮吾遜汝異
政何時能渡虎

商

書

字譽意縣諸生盤弟官定
番州吏目著畫圖山房詩鈔

隨園詩話人但知商寶意先生以詩名海內而不知其弟名書字譽意者亦詩人也作貴州吏目有消夏吟云雨後望全響日中崖半陰壞簷蛛網結嘉樹雀巢深永日無公事閒居有道心生衣隨意着涼意滿幽襟又六月無三伏一朝有四時攀巢當午

關雎壤趁涼歌真能寫黔中風景

自題荆溪秋泛圖

山人無俗尚雅志惟薜蘿况生山水鄉面面明修蛾昔年游歷處剝水清於羅自來京國遠夢斷清江波濶魚樂深淵樓鳥戀故柯濯纓豈不願迴棹情亦多涼秋吹白紵皓月舒清歌誰將謝公屐訪我東山阿

折楊柳

昨歲與君別柔條跪地垂柳今比人老無復舊腰肢遠客仍千里青春又一時流鶯無柰甚啼上最高枝

汪師韓字抒懷號韓門又號上湖錢塘人振甲子雍正癸丑進士官編修湖南學政著上湖紀歲詩編

杭州府志文苑傳乾隆改元師韓經掌院學士奏直居注記注之有協修從師韓始入直數月乞假歸丁憂

大學士公傅恒薦入都

居尚書張照疏萬校勘經史旋督學湖南降調入都

述於易尤邃而

賦詩爲最工

柱元復上湖紀歲詩稿序畧曰韓門自少能詩初習書嘗賦龍書五十韻請正臨川李穆堂先生先生歎異

其詩入八旗志書館中見者多不知其辭所自出

其生曰我尚有不知者何況君輩同里鄭侍講筠谷先生

更和鄭先生常熟王次山侍御於詩多否少可獨傾倒韓

愈進進是時韓門年三十歲耳嗣是再丁艱一奉使鑄級

下轍行而前數先生者皆已沒韓門益謹畏隅躅涼涼蓋卽在都下意窮則讀書愈多學

業行而前數先生者皆已沒韓門益謹畏隅躅涼涼蓋卽在都下意窮則讀書愈多學

嘉興馬墨齡副使錄其風尾硯太平鼓二歌入舊

乙亥冬還里中詩老若朱郡伯鹿田周亦不務詞章學

董履孝廉樊榭金副使江贊諸先生者皆已沒韓門益謹畏隅躅涼涼蓋卽在都下意窮則讀書愈多學

味所以可傳聞者驚怪其語等往索徵韓門輒遲

靈光董浦每曰詩之道熟易而涇難惟杭太史穆門希

謝不輕

出也

朱文藻曰韓門先生余生也晚未獲一見自述花書院歸里攜所刻著述曰春星堂詩集曰上湖紀歲詩編曰文編曰詩學纂聞曰談書錄曰韓門綱學曰幸經約義曰觀象居易傳箋凡八種刷印流傳因得稱誦一過輒校正其訛字而於詩編亦間有商改之處先生悉從改易越數日齋中閨人持東報客至視其東則云汪師韓恭謁字小如芥豆既見則四拜而起曰謝儻校之德余於是始獲見先生次日答拜劇談所學非輓近可及未久而先生歸道山矣因錄先生詩附記先生之謙光以示來學

朱西畯鳳尾硯歌

并序

昔竹垞朱先生遊嶺南購水巖石百餘集載硯銘多至四十五首有鳳尾硯付昆田者銘曰衆鳥有託爾安所棲鳳兮鳳兮硯今爲丁處士敬身所得池旁有西畯小方印而銘則未鏽夏五糧艘至誠書附贈作

歌報之

小長蘆叟硯村百中有鳳尾貽笛漁銘詞確落四十五鳳兮
品與凡禽殊世事彈指幾十年蟾蜍淚滴几上山八萬卷書
亦散落片璧光怪投湖墮都門感慨幾回別又登萬斛東吳
船想當七試挾秋卷挽強文陣新糊案冬烘眊眊發喟頻埃
風結束悽惶伴南浮嶺海東走齊竹輜簞船懷古遍聯坳巨
璞歷野裝諸侯賓客開清宴摩篇羈賦我亦然思筆不隨顏
賦雙昔者洪州謁環公人元環_{笛漁小稿}_{詩余遇人于廬山}_{有送人}廬山一章稱最工_{笛漁小稿}
游廬山時又將之廬山待詔景曜流輝硯後歸
董文敏今爲借山所藏我時未識巖上中亦不能辨坑西
東鶴之鵠之縱悉數如談雅頌忘南風文董流韻誰繼者茲
遇屈指三春冬驚聞舊硯江鄉寄有文刻作西畯字筆趣掩
映青雲翅玉磨無聲日再試逋客錢唐丁翰之婆娑術藝作

者師相將一片玉質硯何似半卷青蘿衣

唐丁翰之居龍浦洞笠澤叢書丁隱

君歌云華陽道士南游歸手中半卷青蘿衣自言逋客持贈我乃是錢塘丁翰之自余爲此詩敬身遂自號龍浦館主

登候潮門城樓

陽侯鼓怒羅刹奔水仙張蓋馳朝暉朱汜赤岸搖崩淪海色
正射候潮門候潮門鐵幢當日真奇歎大壘小亹幾易轍江
神拱手蛟罷尊吁嗟江神豈不仁秋來駭水愁吾人懸騰盡
失畎滄利決裂不顧蓬茅寃漫岸一瀉沛莫禦避者僅脫家
無存重煩長吏排戶循豈知噎洩由江神我聞江神任職臣
意滌蕪穢成馨聞君不見今辰登望好風日千帆葉葉開江

濱

聞從弟修之沒于廣州驚痛之餘泚筆書此紙盡而止
我叔昔遠竄我弟樸被隨比及輿櫬還家業同湧灰仇寒山

依人力疾扶延羸我時送登船心竊爲憂危書至自百粵告
我疾得醫眠食甚相習賓主況相宜一去三年畱閒暇多歌
詩近更學四六佐幕徇俗爲今年聘督府書記兼師資束修
定羸餘封作八口資云何一年來書闕不我思我曾兩寄緘
亦不答一詞倏爾到凶問大別從今辭弟性鈍如我一生躡
通達豈謂時不利命復止于斯堂上白髮母室中伶仃妻一
女雖適人稚騃諸孤兒不知聞此音聚哭如何悲又不知沒
後靈柩可得歸時情日輕義恐難似安西先叔卒于安西無人作訃
書我始傳聞之其歿閏月初月閏七月其詳靡由知古人薄厚利
祇願田間棲有田生田間無田死路岐

浮山玉兔寺詩碣

并序

玉兔寺在山西平陽之浮山寺有張仲尹詩碣乃宋

仁宗天聖明道間慈雲寺僧靜萬集右軍字成之詩
乏警策而字特完好則以地僻故也方甥茹宰是邑
命工摹搨以寄報詩并索其邑之慶唐觀碑

右軍賢者工俗書書經割綴人爭儲興唐石經刻貞觀永徵
聖教續搨摹唐僧好事及大雅復有宋鑒集蘭若落封蛛網

澀塵凝七百餘年未重打仙令胸中弔古才發潛照遠誠廢
煤我愛文完不皴裂紙上分明筆三折哦詩忽復懷慶唐

詩云靈洞

接慶唐

勒銘紀聖由明皇頌揚金籙並無怨更煩拓寄玳瑁

裴八分子我尤竊喜衰廢獨耽徒隸技得隴望蜀母已奢絕
華陰王宏撰所藏興唐寺石刻金剛經貞觀

例書癡老舅氏

華陰王宏撰所藏興唐寺石刻金剛經貞觀

中集王右軍書有華州郭宗昌跋宗昌嘗撰

金石史見池北偶談

三藏聖教序永徵間僧懷仁所集

鎮軍大將軍吳文墓銘開元間俗稱半截碑慶唐觀在邑之龍角山
城濠得之置儒學俗稱半截碑慶唐觀在邑之龍角山
觀有唐碑二其一開元間明皇御製紀聖銘并書其一崔明

允撰金錄齊頌史
惟則書書皆八分

題夏承碑拓本

碑在城內紫山書院印舊漳川書院

漢碑在世歷可數上溯孔林下曹全中間多由宋代出夏承亦自元祐傳秦君愛古昧所出沿訛信是中郎筆察書本不命郭香諱名豈至疑楊厥一經扶植三改元何人令役埋塢垣築之登登復奕奕貞珉無路鳴煩寃嘉靖重摹縱非古猶勝僞造山及盆地不并將題額刊移字排行意何取我嘗臨倣徒隸書顛崖荒隴搜瑤瑜奚況漳川與渝俗東京彷彿出形模看碑復用烏金搨張壁晨昏對齊閣却憶建寧當三年碑自建寧三年所立其年中郎辟橋元出長河平旋復入弇州因是爲推原骨氣精彩昔猶見又數百載迹盡遷太尉三碑一無有豈獨漫滅文範阡崇塘或者石還在持愁搨擊成段塊昔

應無暇磨龜砂翻藉糊頰保殘碎他時城旦遇刻文急遣鐵

灌聯瓜分真蹟片斷亦至寶詩成大笑書癡云

明郡守秦民悅見此碑于

見趙明誠金石錄耳軒復之有跋云碑所從來不暇考論蓋未

房治後堂作愛古軒復之有跋云碑所從來不暇考論蓋未

二十二年因築城之役毀于工匠郡守唐驥取搨本重刻相

距六十餘年舊有篆額漢北海淳于長夏君碑九點字今

篆額只淳于長夏承碑六白字舊碑十四行每行二十七字今

本十三行每行三十字漢書地理志淳于在北海郡屬

青州又漢縣有張令之分今新縣志誤以淳于長爲撰文人

姓名謬妄如此延嘉西嶽華山廟碑有書佐郭香察書蓋

察者察視也歐陽叔弼誤以香察二字爲人名隸釋有辨

建和司隸校尉楊君頌云楊君厥字孟文蓋尊其人故不稱

名而但稱字也水經注及歐趙兩錄皆誤稱楊厥碑唐文

粹顧況樂府有築城登登築城奕奕兩章爲寺人以墓碑建築

城而作蔡中郎郭有道碑傅山鄭箇俱有僞造木建寧顏

三年中郎由橋司徒倚山入爲郎中見後漢書

舊公宋廣平碑在今沙河縣東北碑已斷沒正德十二年大

梁構亭自香河令調任樂城

龍灣續奏上龍岡路盡風沙入井疆宿學幾人兼幹局素交
爲吏總循良庶阴六服都鈐選奉檄買馬旗鼓三城大隊行頻過西師
不有彥光來靜鎮得無毫髮擾農桑

梁彥光見隋書循吏

計程三日促裝難問訊連朝折箭看徐稚預期蕃榻下晏嬰
重念朕宗單謬教拙訥司都講喜有謳歌達考槃事業黑頭
須早建吾衰尙及見驂鸞

呂君贈銅雀瓦硯歌

并序

魏三臺皆作于漢建安中臺有三而人但稱銅雀者
以其先成特書于魏志且殿西有園卽名銅雀三臺
又在其西魏武遺令已獨稱此矣魏以後臺經再造
一在後趙石虎居攝時一在北齊文宣受禪時至武
成乃以三臺宮爲大興聖寺逮後周靜帝時韋孝寬

破尉遲迴三臺並毀今銅雀之瓦猶有得自漳濱者
莫定其爲魏趙齊也余別有考文多不錄呂君名游
字樂天臨漳諸生嘗注易又好管子書授徒磁州王
午夏謁余于廣平因贈此硯

羽陽宮瓦紀千歲甘泉宮瓦題長生羸顛劉蹶劇驟五頭
銘字畱分明建安都許袁劉喪司空曹侯位丞相鄴京閣道
起三臺銅雀中央屹相向嶠澑逐旆總帳懸伎樂百戲延康
年諸天人過自伏魄香銷組廢荒墓田精舍譙東迹並掃情
憇臺郎來獻弔將軍降趙少府誅青雀化鸚赤雀苞臺更金
鳳石室空興聖改寺大鷗攻鱗鯢又見築菟屨苑硯湖貴如
璧琮魏國先生雅鑒古說易滏陽稱易祖權衡輕重管夷吾
心胸開拓陳同父詒我硯材雀不渴蘚斑著骨波紋活章求

歐奪兩抱慙但日鈔書忘腕脫古來書厄秦與新五厄逼及

湘東焚此硯與書僅有存幾回濡筆傷斯文

賀鑄故鄴詩序云韋孝寬破尉

遲通築京觀于萬歲山此事不見正史序稱鄴都記按通考所載有鄴都故事二卷鄴中記一卷故事不可得見世所傳

鄴中記稱是晉陸翹撰者乃雜集羣書成之應是僞書其中亦無此條硯箋徐茲得銅雀硯注水試墨卽滲鉢笑曰豈

銅雀之渴乎李邴詩云銅雀不鳴惟解渴管城何罪遽遭髡

蓋用此也按銅雀在宋已多僞作故韓魏公詩云頭方面凸

案難別千百未有一二真韓魏公有答章望之求古瓦硯詩跋

公有答謝金山遺古硯歌皆卽銅雀硯也書五厄見隋書牛

宏傳

遙輓林蓮山

博士橋過曲巷通

從余家過李博士橋卽君往處送君移宅幾春風往還尤

密蒙華後生產全拋闊落中善本手拈寧估值好詩心賞不辭窮蓋棺未必無遺行我自交情固始終時有議其短者故云

吳山金石兩像歌

并序

樊榭山房有詠吳山麻曷葛刺佛及鐵四太尉二詩
余考麻曷葛刺譯言歡喜亦名馬哈吃刺佛見元史
泰定帝紀亦名摩訶葛刺佛見臘巴傳其像備諸醜
穢是以成宗伯岳晉后於萬寧寺見之以手帕蒙面
而過方技劉元所爲西番佛像多祕人罕得見者至
明初大善佛殿梁上塑此像嘉靖時毀之今寶成寺
所鑿應是當時人間是佛號遂以稱之而實非也元
阿合馬置神座于二熟人皮上明史西番僧取荒塚
頂骨爲數珠髑髏爲法益石像猶此意耳鐵四太尉
雖據凌雲翰疏証爲重鑄而未詳所始考宋顯仁后
當高宗山使時有小妾見四甲人執刀劍以衛后知
陰助及北遷歸立四聖延祥觀於西湖上乾道臨安

志及西湖游覽志所載畧同四太尉當卽四聖民間以其能禦災患祀之吳山未可知也樊榭先生沒於壬申恨無從獻疑請正聊賦七言識之

南湖徵君性疎朗于古偏搜獮惡象遂令金石胥山岡鐵幢白塔同奇賞土馬當年馳鉅鹿金介何人刀劍轟香鏤珠綴返宣和民亦鋐金競祈福石巖造刻尤怖人啞人剝取皮作衲穿珠捧盤作吻吮喇嘛作佛事吹人骨以爲樂器那似祕戲通納縕寶成寺尙劍痕在延祥園經再三改徵君逝矣孰質疑姑妄言之從懺悔

張映辰

字星指號藻川錢唐人雍正癸丑進士由翰林歷官兵部左侍郎左遷都察院左副都御史著露香

集書屋

杭州府志名臣傳映辰少年起家科第長于詞賦而立身行已神澹自得不激不隨後進皆仰其風采

雲巒齋詞藻川工詞賦矢口而吟
集中捉驟行一篇尤得風人之旨

八月初九夜闌中作

離離紅燭盡三條畫角聲中偏夜譙半世功名爭此日三年辛苦爲今宵文章誰解真龍好壇坫虛將客氣驕要識品題非易事不才何以慰弓招

駐馬亭

駐馬亭邊試解鞍遂城南畔暫盤桓千林如洗遠山靜一鳥不飛秋水寒斜日平原看短影西風黃葉上長安青帘搖漾村酤近底事吟餘醉未殘

雨中過赤水鎮

長橋一帶宛垂虹赤水中分兩界通雲似釜蒸堆大白花當秋放戰危紅人迷古渡摧頽雨馬踏平岡蹀躞風不識香山

有遺跡綠楊只在岸西東

夜坐

丁冬漏響入簾櫳驚起飛鳥繞樹風夜色似年難得曉燈花
如豆不成紅沈憂歲月千端集舊事雲煙一笑空飢鼠繞牀
揮不去睡鄉未許夢魂通

捉驃行

軍行橐載需馬駄大吏檄下徵官驃縣官捉人兼捉驃惟恐
濡滯遭譴詞吏人持符下鄉堡虎蹠當道森閭羅行人豈知
徵調急艱艱負重來關河道旁忽遭捉驃者鞭之令下追問
他簽屬貨物都棄置竟牽驃去無誰何囊金搜取意未厭但
飽吾欲還汝驃可憐獨客無齋糧驃去難行空自傷朔風吹
雪盈路旁依人簷下涕泗滂畱之七日不得去眼見溝壑相

填將方今

朝廷愛黎赤如撲焚溺拯飢荒轉輸供億一切出
內帑絲粟不以煩邊氓此邦官吏豈獨無聞見胡爲乎縱令
若屬爲民殃嗚呼東隣有驃不敢畜西隣納錢驃亦捉縣官
打鼓催驃足吏人告言驃難捉驃難捉錢已足安得年年歲
歲將驃捉幾家歡笑一路哭

喜四舍弟至榆林

長途襆被又衝寒憔悴風沙執手看三兩年中別殊易五千
里外見真難米鹽細問家常事梨棗重尋舊日歡漸覺池塘
春草綠且傾尊酒試同看

寧夏懷古

朔方雄鎮比嚴關峽口黃河日夜環廄殿尚存元吳宅春風

先到賀蘭山渠開利自饒千載豹變人誰見一斑古塔青銅
百八座盤空絕壁可容攀

河山再造繼神堯靈武收軍事已遙踏馬曾經清水砦彎弓
擬射雪山雕家聲淹雅推司隸國是紛紅憶勝朝一帶鳴沙
流自急受降城外雜邊簫

下灘行

峽束懸流灘逼仄層波回旋不可測中有巨石虎豹蹲大小
錯雜形峯律舟人相戒且停橈百夫呼召集酋豪分曹登岸
張兩翼長年數輩爭持篙船頭橫木長丈餘大繩絡繩綾且
舒一繩左挽俾勢定一繩右牽來更徐更有一繩貫中央漸
從石罅穿悠揚左盤右盤同履砥十盪十決無迴惶自天而
降高數仞舟中一呼岸皆應掉尾沿緣忽倒行正以效逆乃

取順仰視白日流蒼冥俯窺水荇紛魚鱗坐船人不見船去
但聞聒耳江湖聲潮聲漸平灘已下乘船放溜直於瀉回頭
十里望丹青果然使船如使馬

寒蘆

旅舍盤餐味不重寒蔬聊足禦三冬冰霜節候先儲此酸冷
情懷頗似儂劃粥筵前常作伴漉醅甕底亦堪容主人莫怪
清貧甚鼎食猶慙菜把供

夜坐

筠籜終夕負香衾萬籟蕭條玉漏沈月影半鉤簾外瘦燭花
三寸坐來深書如名酒求難得人比疎梅令不禁誰念天涯
同調在祇餘殘柝伴微吟

董邦達字孚存號東山又號非閒富陽人雍正癸丑進士累官禮部尚書諱文恪

彭元瑞行狀略曰董文恪公邦達雍正元年選拔貢生

例當入太學貧不能具資斧徒步入京師

朝考第一成進士改庶吉士授編修時方修石渠寶笈祕

殿珠林西清古鑑諸書以公博學精考核

命入內廷襄事累官禮部尚書卒謚文恪公性易直和婉奉

母孝養備至年五十如嬰兒平生澹築利初官翰林時

僦屋一處閉門集生徒講肄從之遊者後多爲文章名

宿中年積俸置數椽朝退則手一編倚花洗石消如也

善篆隸書妙得古法畫出入宋元諸家罪臻其勝矣

敕所作皆藏石渠

尊德會詩并序

今

天子二十有六年鴻朗垂光淳耀景鑠箕疇錫福河圖告祥
朝之元老番蕡黃髮實惟耆成人越厥林下田間耆
艾魁壘之士吟德蹈化扶杖觀仁用以佐

星雲之瑞而登

仁壽之域猗歟盛哉時則楓溪老友蔡君秋澄齒臻七十

有八名德宿望樹矩植規教子型家東南以爲楷式

幅巾藜杖逍遙乎白牛之濱於是布九老之芳樽

老九

者二舊戴賓年八十有八續三程籍祖八十有七準菴蔣

元八十有二虎仲頤心堦八十有一秋澄蔡維能七十有八

竹君計王壯七十三宸園謝永輝六十八第五錢家暨六十七

六十三

卽三友

名蕭

之文圓柔美掃徑綿羽豐林壘觴載行談諧間作三

吳兩浙之彥欽其摯角畫以屏風長歌短引積爲篇

帙令子季實修撰實來徵文余與君契闊譚謐悠悠

我思武水蒼茫片帆圓泖漁莊蟹舍昔嘗停櫓欸乃

於其間羨爲樂國今顧茲壽俊閭里遨嬉以詠太平

而沐齊澤南陽之鞠飲之得仙西晉之蘋食之難老

是用心焉慕之吟瓶不足更采以詩

和風扇芳闌麻氣閑萬類詠歌際

昇平壽康偕樂志我客旣怡愉爾聲亦陳饋相看紫芝翁各
抱青雲器夔龍或縣車黃綺非遯世叩鉢爭籌肩拖屐共聯
臂澹泊飭帆花飛揚斛角蟬都忘朝市心別寄耕漁意
聖人奏雲門元氣爲鼓吹康強而逢吉綈楔表

國瑞匪徒風俗淳亦見德福備請廩九老吟重訂耆英次余
也覺衰遲問年猶未至翠竹夢江村尊羹下鹽豉

題白雲泉圖

白雲一掬陽山隅涓涓滴下青泥珠大瓢挹彼來注此活火
可試風前爐泉下架屋山人居林木竊窕羅蕭疎泉甘味冽
漱齒頰能令燥吻生津腴真如灌頂飲醍醐又似九醞仙家
酷人間點滴不到口而此日飲無時無顧我年來病未蘇那
得到此嘗須臾一杯欲乞治相如消渴已捐煩疴除山中煮

泉冥非迂惜哉身不遊姑胥東吳佳處夢與俱展卷爲寫雲
泉圖雲泉之泉誰有諸有客自是山澤曜灌腸洗胃神清虛
得非飲者其仙歟

張映斗

字善子烏程人雍正癸丑進士官編修著秋水齋詩集十五卷

齊召南秋水齋詩序畧曰雪子爲人才高學廣德器渾然其爲詩也出入漢魏六朝唐宋不名一格而各有以見其

長

橋門詩話張寄子先生烏程人入歲能詩杏壇浦陽西崖樞稱之麻正癸丑入詞館詩名藉甚乾隆丁卯典試歸卒於夔鹿驛人多惜之著秋水齋集十五卷五言如答友云蘭酒有清德寒花無媚奇七言如浙州道中云重沾白水如鄉味高掛青山是故人海寧相公閑云一葉浮波魚有勝九臯雲霧鶴生係皆有意味可玩又嘗見其爲夢午唐侍郎贊書弱二詩云老樹藤陰藪白沙帆離缺處道人家東風捲地春無迹一勺野泉苔落花女牆黃土背蘿深碧樹全歸紙樹林小坐詩成攜不去但憑風竹寫聲音今已編入集中矣午塘先生乙丑

取士分榜所

欽定四庫全書別集存目載張映斗撰秋水齋凡十四集皆其子守約守愚所編有湯右曾序作於康熙乙未蓋其早年卽爲右曾所賞識也

偕諸子聯騎遊北固山

抱城山徑仄木末隱樓臺絕壁浮巒合神京雄鎮開海門紅日近江嶺白雲迴我亦南方客猶能騎馬來

把酒醉江水千秋落照中人間無險要天下有英雄鐵鎖橫波斷金戈捲地空南朝形勝悵惆悵蔽艤艤

揚州

濕雲將夢草將愁載得茶煙傍酒樓明月不來春又去一鞭風雨過揚州

沈濶

字維清號泊村又號法華山人烏程籍歸安人

隨園詩話湖州進士沈濶詩近皮

陸人多輕之然典雅處不可磨

約西雜記沈泊村以騷壇著宿自期許官江右時嘗補
西江風雅金樽門學使稱之採錄雖未該備而于乾隆
初年西江名作網羅殆盡去取頗有別裁

夜泛

水國氣易陰薄暮風濤廣孤棹暗中撥但聞菰葉響迴潭沿
岸深曲渚隨潮長平生足幽思中流寄獨往星芒森欲落嵒
徑靜堪想遠懷樓隱徒高齋空偃仰燒葉照讀書伴蛩軋機
紡臨風不可招扣舷空惝恍

鶯脰湖

幅幅蒲帆獵獵開結罇未罷櫂郎催東風吹出桃花雨一寸
銀魚上水來

田家雜謠

照田蠶

東鄰結長竿西鄰縛禿帶臘日農家拜且祈願蠶滿簇禾連
畝兒童腰鼓鼓聲譁列炬軒騰火作團村村煙燄衝天直照
徹蔀屋無飢寒春風一夕升早旭共祝今年盛絲穀

皇哉經畫徧耕桑高坐明堂調玉燭

賽田社

春雨秧苗鍼秋雨禾垂耳社公占得陰晴權春秋禱賽割羊
豕里正朝來徧掠錢錦棚高矗神祠前傀儡裝成演歌舞爭
邀親串開華筵詎知閨婦賣釵鉗祇博當場一酣醺春田龜
坼秋稻空社公神靈君不見

舉田債

布穀屋簷喚早耕農夫驚起多歎聲瓶儲無粟誰負耒征稅
煎迫難逃生商賈握錢列市肆舉債償息什加四且救眼前

貧入手半供縣官半胥吏耕場磷磷稻芒垂共道年豐慰宿期那知蓑罋未入屋已被商家催納速

輸官倉

官倉周圍編作號按戶配廩輸正耗縣帖昨日火急催納足官倉送運漕農家惜米計升漏倉吏踐踏成糞土但祈收貯不作難吞聲敢訴三時苦漕艘銜尾供京儲達官飽食府中居莫言粗糲難充筋都是農民膏血餘

償租限

公家催徵有程期立冬之後雪寒時私家收租亦開限健僕如虎恣鞭笞初限全完寬升斗二限繼納免督咎三限乍過健僕來全家搘蕩驚雞狗有女卷髮兒扶牀牽出鬻賣不得藏官糧尙寬私糧酷那能天眼燭茅屋

稍桑葉

昂價程
貨爲耕

吳儂育蠶惟論筐一眠二眠仰食桑稍得豪家葉百箇

吳地
葉不

論筋惟稱幾箇朝夕采飼免彷徨眼看蠕蠕競上簇繭少同功聲漢

漢婦姑抽縷費轆轤一堆霜雪照羅縠貨與舶商給直低償

他稍葉尚不足君不見臨時購葉走趨譙有人養却空

去
歸頭

蠶俗以空手育
蠶爲空頭蠶

舟泊漫興

不覺離鄉遠天涯寄病身殘更寒聽雨孤燭夜依人節候凋
華髮風霜憶老親故鄉歸未卜淚灑越江濱

別兄弟作

秋燕還海濱徘徊舊幕巢冀馬南轍馳北風一長號何況骨
肉親生長同根條恩分相依倚離別在今朝上念兩高堂白

髮垂飄蕭所嗟季行役願望母乃勞下撫諸幼稚參差駢鬢
髫啼哭率我衣飢寒不自聊骯髒出門去此心長鬱陶門戶
誰當持井臼誰爲操繩絡禦嚴寒安得辭謹吸燭龍不騰照
灑淚隨風飈

清河

亂帆如馬載河走淮流盪激濤聲吼濁者趨海勢不停清者
奪隘扼其口有如塵戰臯蘭山嫖姚旗鼓絕幕還又如昆陽
卒奔潰虎豹股栗摧容顏藉淮刷河宣嘉績但恐淮弱非河
敵縱得洪湖襄臂指馮夷騁怒多陵轢清河小邑當要衝杭
席傾仄狂波春那堪民力東南盡年年堤埽難爲功

崔鎮

坐覺鄉音改俄看遠霧昏風沙驚面目墟市亂雞豚樹角樵

人出雞頭雁侶繁當年文信國曾此滯羈魂

過輪翁叔村居

碧樹青山舊草堂人烟向夕映斜陽病餘藥裏爲生事花到
禪林有別香去年養病僧寺歎歲關懷惟井稅平疇寄目是耕桑誰
知憔悴江潭客珥筆曾經侍

玉皇

寄懷杭董浦

襍被歸來書一肩挂冠神武記當年眞形圖嶽懷方朔西射
尋詩夢惠連行藥春郊碧牋盛賂棋夜墅燭花偏若教宮觀
充提舉便是前身大滌仙南宋達官身退多提舉洞霄宮

步屢經過屢結趺同牀各夢一驚呼記癸亥蓬窗聽雨都元
敬酒郡移官張貌姑琴作家資空送別鶴分俸料耐償逋耦

耕他日期相訪穩臥瓜牛號野夫

舍弟往撫州登前韻

癸亥冬余
守是郡

陵陽老守媿無能曾倚艤艤斬雪冰犀帶助營新石柱
督修香楠畱取舊書燈
香楠故址重葺興魯書院堆身案牘芬如蠟送老
鹽冷似僧爾去試尋遺跡在峴臺山翠尚凌嶒

歸里遣興

問路廬居近趨程雪港深人猶牽旅夢鳥已帶鄉音素髮甘
凋落青陽漸見尋鄰家依舊在悽惻客還心

題檜門西江詩後

人天法眼東南遍記向章門宿旅航
丁卯話別舟次五老鬚眉仍湧現十年燈火竟荒涼江濤激日涵秋影霜信驚寒斷雁行手
捲一編欹夜枕蒙吟那覺漏聲長

童基

字初之昌化人雍正元年舉孝廉方正官溫州府學訓導

般若臺

一磴捫蘿上高臺翠麓偏繁紆收浩劫談笑坐諸天嵐氣籠朝樹浮闕隱暮烟空餘行樂處古甃墮松巔

俞鴻赤

字位南號華若海寧人兆岳子雍正癸卯舉人著六書通

題旋古弟詩稿

不忍焚遺稿天終忌爾才那堪揮淚讀知否馭風回霽落心如見蒼茫氣未摧青箱今已矣空負脊令哀

戴永樸

字素岑號補齋歸安人雍正癸卯舉人學化知縣

戴璿曰先四叔祖公車在京嘗與名流酬倡後宰閩之長樂多惠政至今尸祝謁寧化遂歿後人散處楚閩遺詩散失今得聯句存其名幸矣

寒食前二日集飲舊雨齋效昌黎會合聯句並用其韻

微微春雨霏蔚蔚春烟重

戴永樸補齋

嘯侶共追歡團詞輒鼓勇

孫人龍約亭

香濃酒面浮吟苦詩肩聳

張映斗蘇潭

綿邈思風飛滂沛

言泉湧

祝喬齡方壺

逼耳聆奇曾慙心祛宿壅

倪之鑑

遠懷當世

更高接古人踵

齊紅芳補

已滿林綠麥未盈壠

約亭

願得翻盆甘

無虞失筋恐

蘇潭

原田看每每髮鬢慰種種

方龍

老沈從事賢閒

愛僕射元齋

半世窮皇墳平生穿魯塚

補

含毫時孤興得意

忽驚龍

齊神工運鑪

鋌意匠合樂棋

蘇潭

談笑相與諧襟抱各

無拘

方龍

立觴憶舊持筆硯誇新奉

齊

萬里海溟濛十里樓牕

贊

昆池數壯遊祕館慚虛擁

約亭

頗同北郭濫謬學西家捧

贊

羈奇夜觀象抱冷秋鳴恭

方壺

動手憐塞外颶足苦汀邊廻

贊

出處勢各殊朋知久猶

齊

徒嫌長卿慢誰識馬遷燭

贊

快傳觀遞歡悚

蘇潭

洗滌雲霞鮮芟夷蕭艾芟

方鏗

如

真金石爛若集球珙一齋後出喜披沙先強喜得隴補齊陰逕漸盤紆驚瀾猶洶約仙臘洞巒結天械脫桎茅蘇潭爭騁蹀躞步直踞崢嶸家方壘羣公展翼鵬獨我抽絲蛹一齋謹啜忽爾狂喧噪能無踴蕩燭跋頻徹盤衣寒乍思飪約亭爛漫倒尊罍拍浮傾斗角蘇潭宵深可以還城闕鼓鼙澗方壘

屠嘉正

字時若號拘齋秀水人桐鄉籍雍正甲辰進士官至貴州按察使著拘齋文集別集

秋日舟行卽事

蒲帆高挂洞庭秋漢水南來地欲浮白浪明邊鷗沒影青天盡處雁迴頭鄂君有恨埋湘草賈傅何緣弔楚流月滿平川霜滿野鄉心进入夢悠悠

李昌泉

字復琦一字海若雍正甲辰武舉人著雙桐齋集

袁釣日李海若嘗入都飯逆旅中有兩李麻方分韻意輕之不爲起海若問所限韻立成二詩兩李嫌大驚揖

問姓名不答上馬馳去少時爲萬經所知晚年以詩質于全謝山謂其才多學少海若深歎服以爲知音

贈董曰翁

冰雪聰明松柏姿霜華未拂鬢邊絲不辭花月千杯酒常共漁樵一局棋興至臨池閒染翰晚來搔首便吟詩刀圭濟世功尤偉種得庭前雙桂枝

錢曰布

字載錫諸暨人
雍正丙午舉人

封氏園古松用杜題李尊師松樹障子韻

封氏園中有古松今朝迂道來相訪霜侵雪壓不計年好事應須入圖障駢枝接葉深脊冥歲無冬夏長青青扶疎似偃翠羽蓋屈曲或肖蒼龍形老幹橫斜態奇古捎雲障日煙霞聚自少脂流斷節香亦知心抱寒天苦慈仁老樹與此同相看疑是徂徠翁斧斤翦伐不知處清陰無復來涼風

戴夢奎

本名生字維直後改今名字占文蘭溪人雍正
庚戌進士由知縣行取授禮部儀制司主事

戴曠行狀略曰維直公初署永春興利除弊一洗因循
之習延師興義學士風大振次題建寧以邑多猾吏取

其尤黠者懲之上官以公才識練達特調閩縣兼剖鄰
邑積案萬餘件不三月繩牘卒哀毀骨立旋歿于家

夏日

炎蒸天氣日偏長風自南來試小涼竹裏敲詩添雅韻荷間
把盞吸清香雲深處士七松宅烟鎖先生五柳莊一片冰心
玉壺內翛然與託庾公牀

胡作謀

字嘉士號芟亭
天台人作肅弟

陳焯曰芟
亭有書名

石梁觀瀑用杜少陵百丈潭韻

地軸誰翕張陰滔歷晴晦靈怪之所營雷霆走其內巒嶺試
攀躋超然落蒼靄削成峭壁奇逆出飛流大明河瀉天半石

梁策相對佇立猶愕眙仰視益湛澍懸逾匹練長散作百琲
碎流霞破金碧影耀赤城外神變已揮霍空濛建雲旆下有
萬丈溪六月激寒瀨昔傳古應真聚此五百輩將母諸天中
亦推此景最聲聞都可蠲喧寂兩無礙我來近仙都冥搜與
神會

胡偉然

字益新蕭山人著永思集

隨園詩話蕭山布衣胡偉然釣臺詩云在昔披裘客浮
名著意逃江流日趨下益見釣臺高亭過釣臺見石刻
林立獨愛此一絕句

過仙霞嶺

鳥道環青嶂仙居擁白雲寒暄重嶺隔閩越一關分殘雪遙
林積哀猿薄暮聞乘繻會有志到此愧終軍

陳

章

字授衣錢唐人

古詩

錢塘懷古

藏鴉門外柳藏鴉
錦繡連城白鼻騮
寂寞招賢寺裏過來尋
一樹紫陽花

明湖不見野人舟
孤鶴翻飛去復留
三百梅花零落盡
只留雲木叫鈎輞

博雅張華善品名
飛龍相逐鳳凰鳴
只言已盡東南寶
不料奇才又褚生

沈子豐字羽侯海寧人國子
生廣東提學令式子

夏日閒興

愛此夏日長有書不厭讀如遊武夷山一曲復一曲與邃詔
奇觀幽絕謝塵俗陶然臥北窗風颸蕉影綠揮麈見古人
心在空谷

登濟南四照樓和顧丹宸學士池畔石刻韻

樓上窗扉面面開南山積翠入樓來碧紗籠處詩真妙始信先生天下才

李秀

字聲遠號鄧縣諸生

袁鈞曰李秀爲李開弟

雨中讀杜茶村集

柳色暗高樓遺文讀未休山川司馬泪風雨少陵愁六代空芳草孤魂隔上游白門沈醉後猶憶看吳鈞

金璧

字晴村號銅鶴山人山陰人國子生著銅鶴詩選

本沈水壺傳略曰金晴村祖廷韶前明進士迨不遇而歸都統道福色愛其才以上客延之然亦屢被其曼罵道福色優容之及赴內召握手雪涕相戒然終不改客維揚病困歸死于家詩情剛直危偏清絕之句如哀猿老鶴悽婉中人商盤曰

山人曾在姑孰青山下得司馬相如玉印一方自賦古風其詩不傳所見止江上懷古詩三首此乃才士身後之殘羽也

白下重逢孔東塘先生

共別金臺浣舊塵相逢不覺秣陵春浪淘十四年前事燈聚
三千里外人余讀書成均時先生曾爲博士有機官憶桃花情不盡先生有機官如水部句多新白頭詩律惟應細風雅江南得再親

送李魚君北上應試

前生記得是朝雲夢裏香名喚醒君參取三生公案在十闋

腰綵稱羅裙

魚君夢女子云君身卽妾身問卿爲誰日朝雲也因自吟前身記得是朝雲

綠鬟低唱曉風前廿載青衫少婦憐一曲琵琶何處有江州
月白淚滑然李生屢赴北闕惟技書王綠雲心折其才乙酉
年第猶爲太息泣數行至今且杳然莫可踪跡

張嘉論

字駕雲號綠筠海寧人官江寧知縣著玉鑑堂詩鈔

甲寅五月奉調吳縣畱題常熟署壁

尚湖清淺虞山秀吾谷鮮明覆金奇畫稿一齊收拾去不廉
從此更難辭

范廷培

字仰之鄞人寧波府學諸生瑞子

一日觀傳奇題辭

休笑當時扣角歌利名難遣此愁魔歡場冷夢千年後豪竹
哀絲一口何風急易沉燕市筑天高誰返魯陽戈白頭釣叟
秋江上閒指飛鷗下碧波

吳國梁

字駕滄號書山錢塘刺貢生著書山詩鈔

于忠肅公墓

行人到此齊墮淚廟前屹立豐碑字古木森森蔽墓門英風

颯爽猶生氣當年北狩誤謀臣賴公隻手扶艱屯援今証古
具膽識旋天轉地開經綸社稷中典侵地復心事光明萬古
燭未聞裂土報殊勲旋見奪門遭慘戮奸權同盡骨全灰旌
節猶看古殿開鄂王墳畔靈旗卷疑有忠魂痛哭回

鑑湖竹枝詞

朱樓面面映波斜遊女明粧傍水涯多少畫船香迷影大家
爭看鏡中花

越羅衫子趁身裁鴉吉迴盤雲作堆兩兩三三攜伴去柳姑
廟裏賽神來

沈縉延

字湘畱海寧人

九日曲江道中

極天秋色滿關河客裏登高強嘯歌菊釀猶攜鄉味美萸囊

難辟瘴煙多雨落日穿青嶂鳥掠歸雲亂碧波故國迢迢
行萬里望廻庾嶺怨嗟我

倪

文

字又迂海
學諸生

村居

一灣溪水抱村居剝啄稀聞過客跡盡日廻詩兒洗硯有時
買醉婦烹魚冷看山色夕陽古瘦到梅花明月虛羞喜時平
容我姻不妨生計付樵漁

楊式金

字盈夫號蔗堂海寧人

杭州府學諸

生嗣震次子

大玉弟著

慕思齋稿

過漢川訪伍明府畱飲

五載循良考三遷本分官新詩湖海重名宰弟兄難令兄時
賓
憐我經年別逢君此夕歡他鄉一尊酒話舊又憑闌

高

謫字宗山號南村

新城人

雍正癸

知縣著

瓶笙集

陸介眉曰南村爲令

有政聲詩文皆典雅核

顧一願曰丙辰春與俞雲莊同訪
高氏後人出瓶笙遺集俾錄之

南村

小隱鬻瓢樂太平葛巾蕉笠繞溪行山看峭蒨青葱色鳥聽
鉤輞格磔聲脩竹映花兼映水好風催雨又催晴此間着箇
王摩詰華子岡頭卧月明

啖苦橘實

蒼翠林深機短篷寒山落實仰秋風杯盤暫寘蘿薜外兒女
勁收橡栗中有用材其驚櫟社無多味肯賺狙公却憐苦口
成佳契品與回甘諫果同

馬翼贊

字叔靜號寒將海寧人雍正癸卯進士官觀城知縣著寶鏡堂詩鈔

同祝時可升菴至嘉禾書所見

西湖雜志 卷十一
欹側風帆落照前平蕪百里綠娟娟飛鴉沒處烟藏樹燕子來時水拍天芳草自生游文路桃花曾誤打魚船眼前景物關何事偏有心情記達年

遊龍山

直從山麓裏山椒得氣松杉總不凋幾曲盤烟藏鳥道一支渡水轉龍腰葱葱翠幔千家市宛宛紅欄十里橋遠勢蒼茫收不得東南天壓海門潮

煮藥詩

上策無如用火攻井華水暖氣濛濛枯桑色變爐灰白落葉聲添歲力紅半夜停燈愁老母一時增竈駭兒童如何只似還丹樣起病難於九轉功

骨枯燶殘及屢彙琴材兼恐作薪炊甘心肯被成方誤苦口

真從久病知牀下牛鳴還自笑杯中蛇影莫深疑養生未必
非奇訣豈在安眠健飯時

林敷紫

字上左號暮山永嘉
拔貢生官龍泉教諭

春興

十里晴煙散薜蘿輕寒輕暖試春和柳眉杏臉桃花淚各有
春愁孰最多

洪承澤

字心淑號七峯臨海
拔貢生官浦江教諭

東湖早秋次韻

放艇湖心館凌虛一道斜垂雲山戴笠倒影水浮家青簇菰
蔔葉黃分藻荇花誰招越溪女清唱引鳴葭

鮑志周

字景濂號靜庵餘杭
貢生官開封府同知

顧一鷓曰鮑志周由拔貢歷知陝西之淳化縣河南之
澇縣祥符縣升開封府朱仙鎮同知乾隆壬戌夏河衛

黑塔口志周馳往捨護民不呼而集
從得保全民載其德呼鮑公從卒官

宿遷除夕

扁舟江北渺愁予浪迹經年又歲除野岸桃符收店後鄰船
爆竹賽神餘寒深倍怯征裘薄客久頻羞旅橐虛却憶故園
當此夕椒花盤獻頌三如

孫人龍

字端人號約亭又號頤齋烏程籍歸安人雍正庚戌進士由翰林歷官左春坊左中允著約亭詩稿

戴璐

日官尤視學滇南兩任晚年甲戌分校得犯大宗伯時假歸掌教龍山越人德之許其子元祐入籍直少司空鳳三亦高第也詩稿于元祐處現五大冊尙未刪定今攢就山西僅抄數首入詩摭中寓允創與興會館于半截樹術未及落成乞假畱別鄉人詩云轉爲扮榆籌未了草堂花徑幾時新每科謫公車于制然亭不醉無歸先君嘗集道之

題武水從孫渡海圖

人處寰海間渺然如一粟旣復賦倦遊回首空局促所幸抑

帆歸東來鑑湖曲咫尺蓬萊山瀛洲近可囑學海浩無涯朝宗紹前躅忽乃覩茲圖曠懷多所觸君看此襟期那得容塵俗

趙錫禮字叔叙

勣

入雍正庚

沈德潛墓誌畧

日

初荒宜興舊有聖王廟傳爲元末張士誠能移人禍福奸巫往往假作神語索祭禳民至破家弗悟公投懷于河焚其廟淫祠遂絕任武進縣港河

通利

河收納海潮以資灌溉爲積澗所塞歷請開浚沿

河數十里並沾樂利其他如辨冤獄

究盜踪振飢民恤商人所紀不一

登蘭陰山

石骨嶮峻一徑穿蘭陰秀拔倚遙天江流燕尾分還合山掃蛾眉斷復連雨過帆檣開水市風迴林落散炊煙夕陽歸路吟筇緩古寺鐘聲何處邊

趙鎮舉人官荆溪知縣改浦東陽教諭

雙林號淨名錢塘人雍正壬子

癸卯歲歸鄉

丙午秋歸鄉

丁未歲歸鄉

戊申歲歸鄉

碧溪詩話

往歲庚寅辛卯間余識淨名先生于汪氏振

結堂其時吳丈西林亦假館

先生來輒與丈談禪講詩

娓娓不倦燈檠已上猶持淡巴菰

爐中竟火余與天潛相視竊笑

南屏得米芾琴臺石刻

峯頭蒼玉削來平盡日搜探策杖行北宋詞人畱楷法南屏
地主紹家聲焦桐合遇知音賞石丈應無有力爭從此湖山
添勝槩裁詩時復洽羣英

李壘開

字雨菴號震軒海寧人雍正癸丑進士由戶部主事改官孝義知縣

初夏窩樓遺興

何須擇木寄高枝屬有天緣儘自隨粉壁落殘詩恰補紙窗
罅在鳥頻窺飯餘隱几拏教懶客到迎門幸怨遲彷彿小園
成日涉偶畱鴻跡有題辭

侯嘉繙

字元綱號武門臨海拔貢生官上元縣丞著魚山存本人倚樓詩集車船集

袁枚曰夷門在江寧時一日大醉登報恩寺殿偏摩古佛羅漢頂各贈詩數十百言書其上箕坐大呼暴雨電光繞鬚眉益喜奮筆不休取殿旁石臼戴頭上折旋舞如風衆僧疑狂病不敢近既去觀其字奇句奧不能

誦也舉其曰重百餘斤舞時如有神助

黃潤川曰夷門雖下吏才名傾一時日遊白下山水與諸名士縱酒賦詩高才生之執義就正者填門而與秦礪泉學士尤稱神契方其歿也礪泉文戰春闌中忽夢夷門至執手如平生寤則知其已死遂於席舍作四詩哭之是年礪泉大魁天下亦異事詩具秦集中

休雲詩話秦劍泉云吾嘗讀侯夷門詩石斧砍寒冰雪

御製

裂無紋理真奇崛帆更覽其和酒格寺詩云一水淡于畫空山或有人又覺其深情綿邈致動人詞科餘話甘泉馬榮祖詞科既罷下已已未遑不得志于春官山陰胡天游賦長古二篇送之次韻者長洲沈

德潛嘉定張鵬翀天台齊名南臨海侯元經皆擅勝場

陳焯曰夷門才思敏捷頃刻千言揚泉里先生評湖中才夷門第一沈隆次之嘗再舉鵠博學使者江右晦公奇其文以爲樊紹述劉復愚後一人中丞某以其書法潦草置之由扳音生考職得縣丞署江南上元簿丁憂

脫剛補金山丞調署江寧巡捕上官重其才不甚責以
吏事鎮汀守黃某招至署閱卷一夕暴卒平日所著惟

魚山存本已梓行其人倚樓詩集車船集並散佚

戴殿海曰夷門天才亮特詩古文奇崛奧衍不可羈勒

與齊次風侍郎凋蘭坡學士般分最密小仕邑丞移邑

不得志僅及中年而卒

戴璐曰阮吾山司寇嘗言侯元經解餉至戶部庫吏揜批不給時梁文莊爲侍郎閱稿見其名曰夷門也顧同官謂某尚書祭文可令伊作卽傳至堂右瘦扎不移晷成駢體極莊嚴某司官又請作司員祭文復成四言韻文此何足盡夷門之才而庫吏已袖批蕭何次口卽行藏入茶餘客話余藤陰襍記採之

天台山房卽景

一峯秀春姿日夕吐烟靄長溪繞其前倒影峯頭樹我愛山水住且向此中住二月天風寒空濛山欲雨嚙嚙雙黃鳥飛入烟深處無數打魚船沿溪下東去

同張石帆登巾子峯

高樹涼生岸幘遊一葢側出倚峯頭蔓蘿徑裏人初到花雨
墳前翠欲流雙塔影搖沙島日三津潮落海門秋閒從竹塢
尋僧話樸樸炊烟看晚收

寄汪若木

星霜漂轉未成翁紅豆歌聲夜雨中秋水送人漁艇便野雲
留客酒杯空傳來好事偏多難絕妙新詩竟坐窮惟有貧交
相慰藉天南地北兩情同

林元炯

字謙光瑞安拔貢生官沅陵縣丞著愛日樓對松閣詩

題王氏山房

落花滿地已成茵好趁春晴訪隱淪卧柳垂溪難繫馬小橋
獨木只通人換鵝家習黃庭字立雪門延絳帳賓書屋枕山
仍帶水境幽飛不到紅塵

李熙

字翊齋樂清歲貢
生官太平訓導

秋夜飲王竹隱菊圃

碧天如水暮雲收跨鶴閒從竹徑遊酒不中山堪酩酊人非
晉代亦風流花香入座催新句月色橫空點素秋寂寞東籬
千載後寒英此夜更舒眸

程遠

字鵝飛號梅
村餘杭諸生

秋蝶

不知身是夢那悟夢中身霜葉雖如錦秋風不是春翅將銷
素粉鬚欲化輕塵笑爾繁華日日常飛桃李津

宋禹

字武葵號嵋菴烏程貢生著湖山
涉江楚遊粵遊滄洲稿續等集

夜坐憇筠菴太史書樓

卜築離塵境清光晚更幽遙知半庭月先挂萬峯頭鶴夢警

高樹漁歌來遠洲誰家夜橫笛一併入書樓

沈元相

字紫庵號山
宰歸安諸生

吳興竹枝詞

家住含山一水鄉邇毫東縛最精良暗郎先試凌雲手留待雙眉鬪畫長

薛家巧製古無倫七出菱花樣子新晚起粧臺開寶匣問郎誰似鏡中人

錢銘恭

字芳山一字
知一鄆人

寄懷

漠漠江雲暮荒荒戍角寒十年爲客易一夢到家難戢翼懷深樹潛鱗畏急湍素琴多苦調不敢夜來彈

翁年方

字唯愚餘
姚諸生

過李氏別業

十里垂楊覆野塘，城西門外午橋莊。
人家夜雨連茅屋，江上春風被艸堂。
翠竹成陰清繞座，輕荷出水暗浮香。
呼舟欲向南村去，一曲滄浪聽渺茫。

蔡元鎔

字陶山黃
嚴按貢生

戚學標曰陶山意度清曠工詩畫

聖祖南巡嘗獻賦蒙賜大綬繼以拔貢生入太學留京師數年卒

嵐菴偶詠

巖穴幽棲歲月賒，更於何處問仙家。
機闢忘盡遊麋鹿，愛惡緣空任鵠鴉。
旋起旋消千嶺霧，自開自謝四時花。
經年徑少人來往，樵子容過一乞茶。

陳應辰

字仲籍號耽齋太平諸生著仰山草堂詩文集

戚學標曰：耽齋居貧力學撰勝，代品談十六卷，評有明一代人物，又撰存逸錄十卷，采自宋元遺本，朝邑先輩詩固詩以存入皆可傳之，書困於諸生人無抑者。

秋登半江樓

巾山山半半江樓，名勝居然冠一州。
龍勢都從江北轉，鯨波直接海東流。
層樓烟起居人密，極浦風生遠客愁。
到此重吟松鶴句，蕭蕭木葉下清秋。

俞良模

字行方，號楷存，海寧人官

朱文藻曰：俞良模爲吏部侍郎兆岳長子，官寧遠知縣。以子調元貴贈汾州知府。吾友俞潛山思謙卽公之孫。

夜窗對月

光從楚尾照吳頭，一片清輝萬境幽。
寂寞筠廊拳獨鵠，丁東簾幕響雙鈎。
花開天上伊誰折，香到人間正及秋。
幸得邀同消永夜，雞人漫唱曉來籌。

張

寅

原名永錫字紫望號復初又號石樓錢塘人

桂堂羅漢松

桂堂花木交扶疎水石明淨軒窗虛中有一本松天矯錫名
羅漢歸真如貝多曼陀爲匹亞黃鶴思巢不敢下戰風聲雪
形神完得非五百仙人化主人愛禪兼愛松往往樹底雄談
鋒龍堂鹿苑時相逢樹亦諦聽含歡客吟侶摩掌疊高唱每
以清辭作供養何年植此居士龜疇能繪爾尊者相幹擬筋
骨恣盤擎葉侔鬚髮紛鬱鬱張操馬遠畫不得吾欲喚起盧

楞迦

鄒

尚

字渭然號古岳餘姚歲貞生著雲根樓詩艸

桃江詩序古岳刻意爲詩希跡郊島上過昌黎方文轉
題詞問鄉關于虞嶺山接四明擅文辨于鄧陽樓高百
尺擊唾壺而書鍼彈基局以不平桓伊剛韌嘆奈何衛
玠則雖能堪此渾彈錦瑟華年增望帝之悲宛訴銅盤

錦水下仙
人之淚

薄暮過夏蓋湖

淘日西難下湖波月易平天圓雙鏡合村遠一燈明鄉思憑歸鳥山光闊客程路逢知已在不負剗溪行

范

坊

字言可一字鷗田鄧縣人
官磁州州判著無可草

餽萬西郭閭筍

新筍纔抽玉版長爛斑紫籜剥來香老親說是家鄉味分與清貧太守嘗

王元珏

字宏璧
會稽人

登石屋

野飯梅花村徐入青松路鳥道何巒盤身與溪雲渡幽篁不見天碧色莽迴互忽聞山鳥呼一一入深樹迥與雌飛揚心

神轉恐怖。鶯然巖谷間，微茫辨黝堊。豁達跨平岡，頓悵登臨趣。歷歷羣山羅馳突，如奔赴城郭。俯人家模糊不知數，老僧自在閒。愛此長年住，杳杳鶴飛歸。千村靄然暮。

張鵬鶴

字靜公號小南錢塘諸生著城南自

部志純曰：小南先世北平人。曾祖諱思哲，字遇遠，崇禎年授南陽府鄧州牧。遭寇亂去官挈家來錢塘，隱于西湖。及鼎革，于重九日以栗糕黏藥服之，暴卒。嗣是舉家世世不食栗糕。小南體貌魁梧，多鬚，慷慨好學，遨遊四方，迄無所遇。以諸生終。

畱別章阮川

黃梅雨後送行舟，昨日相逢復越游。一載萍交渙是別，千絲柳折幾多愁。山陰雪棹寒生浦，江上雲帆冷入樓。君到新安見，題句伯勞飛燕想悠悠。

嚴

字曉峯號山鷗，烏程人。雍正庚戌進士，官海防同知。

默坐

小窗默坐看雲過幾見龍騰壁上梭纔逐縉塵更事少却從
青史閱人多轉蓬蹤跡原無定殘局輸贏更幾何香爇一爐
聊自喜莫悲岐路情蹉跎

鄭挺

字不羣秀水人典
子著秦濤居士詩

人日雨

江西道中作

人日簾纖雨霏霏上客衣去年今夕酒白板故園屏歡謔還
如昨流光頓覺非五陵游俠少何處逐輕肥

鄭溥

字博也秀水人挺子

和蘆村叔廣寧冬至遣興用工部韻

飄泊無端歲月催忽驚至日又重來未能望氣書雲物先試
吹葭驗管灰茂苑有家憑曉夢綏江無雪借寒梅遙思佳節

團園處千首新詩酒百杯

錢中盛

字又起號芍庭又號有葉齋
縣貢生致忠孫廉子著雪卷

范從

伴墓誌銘署曰先生工詩古文辭故居不戒于火

僅存西偏一隅先世圖書蕩然灰燼先生勉構屬事兼

督

東偏丙舍搜羅累世遺編付諸剞劂晚年益

留意於聲詩花晨月夕拈韻命題流連不倦

馮文子學博詣先大人墓賦謝

誰復悲先子君來爲舊盟寒天勞遠涉落日照荒塋手植松
杉大魂依澗壑清西冷懷四友古道益含情

昔先大人目湯
西崖學士高則

原大尹陳一玉文學及先生爲西冷四才子交最善

錢際盛

字在德號近村又號春圃鄞縣人貢生中盛弟著娛白樓近草

鄭勲曰先生與同邑全謝山萬九沙兩太史交最契一時名流詩筒往還無虛日

送又起兄之京師

凍雲逐行舟默立不忍別拭淚欲有言未發聲先咽檢點行

筭間攜有數株筆筆鋒須善韜太剛恐易折

錢德盛

字容愚號虛齋鄞縣諸生際盛弟著虛齋詩鈔

上元日大兄芍庭爲張蒼水先生設祭并祀世父忠介

公同人集拜卽用先生舟次琅琦謁忠介殯宮韻

夜把遺編對濁油波臣舊事潮蒼頭迢迢黃蘖山中恨黯黯
南屏寺畔愁新榭初修先哲祀通家重踵故交遊初元令節
成佳話春煦明衣不用裘

倪繼宗

字泰徵號復野餘姚歲貢生官遂安訓導著小野全集一名復野集

倪紹岳曰先祖嘗重刻姚江逸詩輯續
姚江逸詩文節經鉏堂雜誌並藏于家

七月廿六夜夢過梨洲黃先生贈我墨精兩笏醒而記

此

不見于牆便見羹夢中猶是拜先生南雷此日思懷謝南雷

內沈東軒集卷十一
先生所著書名又黃竹農家署曰懷謝堂
花開雙蝶舞金丹骨換一身輕殷勤賜記連城璧黃竹千竿
兩墨精

喜蘇咷餘捷南宮

積衰誰爲起衰人一振從前氣象新兄弟卽今同賦轍友朋
自昔比雷陳金鍼暗度鴛鴦譜玉尺橫裁錦繡茵若上承明
親試策也須愷切訴民貧

漫贈

老去少朋舊他鄉得所親交情柔似水詩意好於春窗小花
侵案樓空月近人天涯共飄泊語罷轉傷神

除夕

歲事尋常不繫懷沈沈漏鼓一銜杯貧同竹節年俱長量比

梅花日漸開雪滿樓頭如玉積經遺勝下勝金堆醉來頓發
凌霄興直上龍峯踞石臺

舟次

映江枯木倒棲鴉水底晴光泛紫霞作客身輕舟一葉歸家
路遠夢三叉鐘聞野寺隨風竹佛占空山亂雨花解悟無邊
耐岑寂百年心事嘆如麻

過解圍贈大方上人

僻處松篁裏悠然別有天香清花入定夢破鶴隨禪悟徹心
三昧吟成偈百篇老僧能愛客把臂話前緣

柴潮生字禹門號嶼青仁和人載庸子雍正甲辰舉人歷官戶科給事中

奉

命巡北城江揆若以書來勉答寄

九重忽下紫泥封報

國曾無尺寸功粉署郎官慚抗疏繡衣使者例乘驃養苗去
莠傳君語補拙當勤飭我躬多謝故人珍重意江鄉早晚覓
飛鴻

兩浙輜軒錄卷十八